

**PEMBERITAHUAN PERTANYAAN BAGI JAWAPAN LISAN**  
**MESYUARAT PERTAMA, PENGGAL KEEMPAT,**  
**PARLIMEN KETIGA BELAS,**  
**MAJLIS MESYUARAT DEWAN RAKYAT**

**PERTANYAAN : BUKAN LISAN**

**DARIPADA : DR. KO CHUNG SEN [ KAMPAR ]**

**SOALAN :**

**Dr. Ko Chung Sen [ Kampar ] minta MENTERI PERDANA MENTERI menyatakan :-**

- a. impak harga minyak yang menurun kepada pendapatan dan keuntungan PETRONAS untuk tahun ini dan lima tahun akan datang, dan unjuran amaun cukai dan dividen yang Kerajaan akan kutip daripada PETRONAS untuk tahun ini dan lima tahun akan datang; dan
  
- b. adakah penurunan harga minyak ini akan melambatkan lagi kerja-kerja penyiapan dan petaulahan Projek Pembangunan Bersepadu Penapisan Minyak dan Petrokimia (RAPID) di Pengerang yang berharga RM60 bilion.

**JAWAPAN: YB SENATOR DATO' SRI ABDUL WAHID B. OMAR,**  
**MENTERI DI JABATAN PERDANA MENTERI**

Tuan Yang di-Pertua,

Untuk makluman Ahli Yang Berhormat, sepatutnya syarikat-syarikat minyak antarabangsa yang lain, penurunan harga minyak mentah antarabangsa turut memberi kesan langsung kepada PETRONAS.

Bagi tahun kewangan 2015, harga minyak mentah antarabangsa "Dated Brent" telah jatuh sebanyak 47% iaitu USD52.46 setong berbanding dengan tahun kewangan 2014 iaitu USD98.99 setong. Berikutan dengan ini, keuntungan selepas cukai Kumpulan PETRONAS tidak termasuk "impairments" juga turut jatuh sebanyak 42%. Pembayaran cukai kepada Kerajaan bagi tahun kewangan 2015 adalah sebanyak RM15.9 bil berbanding RM32.5 bil pada tahun 2014.

Pihak PETRONAS kini sedang meneliti semula perbelanjaan operasi ("OPEX") dan perbelanjaan modal ("CAPEX") bagi tahun ini dan tahun-tahun akan datang untuk menangani impak harga minyak mentah yang menurun.

Adalah munasabah sekiranya kita membuat kesimpulan bahawa jumlah cukai dan dividen adalah selaras dengan penurunan harga minyak mentah antarabangsa.

Selain daripada itu, untuk makluman Ahli Yang Berhormat, penurunan harga minyak tidak menjaskan jadual keseluruhan perlaksanaan Projek

RAPID dan ia akan berjalan seperti yang dirancangkan. Bagi tempoh kewangan berakhir 31 Disember 2015, Projek RAPID telah mencapai status siap sebanyak 19.3 peratus.

Sebagai kesimpulan, PETRONAS tidak terkecuali di dalam menerima kesan daripada situasi kemerosotan harga minyak global semasa yang telah memberi impak negatif kepada syarikat-syarikat minyak dan gas di seluruh dunia. Akan tetapi, pelaksanaan projek yang telah dirancang seperti projek RAPID dijangka akan berjalan sepertimana perancangan asal.

Sekian, terima kasih.